

Dumonda da la fracziun da la PS concernent la dumonda “Tgi porta ils custs da la sanaziun da PCB dal Spöl?”

Ils 22 da december 2016 ha il chantun communitgà che l'aual da muntogna Spöl en il parc naziunal svizzer saja contaminà cun PCB betg decumponibel e cancerogen. Il tissi saja arrivà en il flum pervia d'in incap tar la sanaziun dal mir d'accumulaziun Livigno.

Ils 30 d'avust 2017 ha il schurnal regional dal Grischun communitgà che la contaminaziun cun PCB saja bler pli massiva che supponì oriundamain e che la sanaziun dal Spöl chaschunia blera lavur e custs correspundents. Ultra da quai para questa sanaziun dad esser tut auter che segira.

Ultra da dumondas dal dretg d'ambient sa tschentan er dumondas finanzialas, perquai ch'ins sto far quint che la sanaziun da tut l'aual vegnia a custar in pèr milliuns francs. Ord vista da la populaziun èsi fitg impurtant ch'ils responsabels per questa contaminaziun hajan da star bun per il donn chaschunà e betg ils pajataglias.

Sut quest aspect supplitgan las sutsegnadras ed ils sutsegnaders la regenza da responder las suandantas dumondas:

1. Co giuditgescha la regenza ils fatgs descrits?
2. Tge ristgas existan per la natira e per la populaziun en ils conturns dal Spöl pervia da la contaminaziun massiva cun PCB?
3. Cun tge custs è colliada la sanaziun cumpletta dal Spöl ed è ina tala insumma realistica?
4. Tgi porta ils custs per questa sanaziun? Exista il privel ch'ils pajataglias ston la finala star buns per il donn?

Cuira, il 1. da settember 2017

Pult, Perl, Atanes, Baselgia-Brunner, Bucher-Brini, Cahenzli-Philipp, Caviezel (Cuira), Deplazes, Gartmann-Albin, Jaag, Locher Benguerel, Monigatti, Noi-Togni, Peyer, Pfenninger, Thöny